

續修益田縣志

一
函
六冊

續修藍田縣志卷七

建置志

舊志不專志建置凡關於一切建置及疆界道路橋梁關隘驛鋪水利二十里五衛之村莊市鎮悉注於圖之後曰圖必有注昉於大易之繫辭也然山川有圖復入土地志學宮書院有圖復作學校志以圖注不能詳盡也是有圖者亦不必盡入圖注注數百村莊於二十里之圖似覺過繁今欲專列圖爲一卷以便披閱乃取關於土地者入土地志關於學校者入學校志關於建置者另立建置志

城池

縣城

在陝西省會東南八十里本名曉柳城北周建德二年自縣西三十里故城移治於此舊城周八里後就東南隅改築之周三里餘八十步崇一丈六尺凡三門明嘉靖二年知縣王科復拓之周長四里一百三十丈一尺連墩臺伸出共五里城身均高二丈五尺頂厚一丈二尺底厚二丈池深二丈闊一丈全城暨池面積共八頃六十畝墩臺十七卡房十一凡四門東曰玉山映翠西曰白鹿呈祥南曰雷水環清北曰繡嶺回春嘉靖二十年知縣呂好古開西南隅爲水門三十二年知縣楊紹先易女牆以磚萬曆中知縣王邦才增築北門甕城建稍門東向崇禎中知縣雷鳴時甕北城以磚清順治七年知縣楊行健修葺甕城十六年知縣郭顯賢重修乾隆十七年知縣鄧騎詳請以工代賑重修動帑項八千五百九十八兩餘嘉慶六年知縣邵現請項興修奉文停緩道光七年知縣羅文約重建南北城樓十七年知縣胡元燦捐銀三千二百兩典史藍樹基委員王必迪各捐銀一千兩渭紳賀逢庚捐銀四千兩復集捐銀一萬五千兩重修城垣門樓卡房等復移建魁星樓一座顏東門曰鳴鳳南曰延薰西曰湧金北曰迎恩水門曰永清同治九年知縣呂懋勛重修四面城堞一千三百五十座添建卡房七間於西北隅增建魁星樓一座又添四門吊橋甕城濠深二丈寬一丈五尺鑄炮十三尊光緒二十年知縣齊澤留用順直賑捐制錢五千緡重修二十九年知縣周之濟重修民國二年知事竇鵬重修北城門樓及四城十年李惟人又重修東城門樓及四城共用銀六千三百八十三兩

城內南北縱街二東西橫街一大巷凡十六縱街在東者以白雲寺巷東口爲界巷口以北稱東街巷口以南稱南街縱街在西者以縣門西什字爲界什字以南稱西街什字以北稱北街橫街一名中街俗名縣門乾隆中知縣蔣文祚以各街水流冲激土易崩壞令於兩旁鑿溝中間鑿石條一行光緒五年知縣朱運還鑿石條爲三行巷在東者曰城隍廟巷東嶽廟巷樓樓巷大巷水道巷李家巷東寧巷後窩巷在中街者白馬道巷毛家巷白雲寺巷孫家巷趙家巷在西者曰穆家巷西門巷倉巷

公署

縣署

在中街北唐宋未詳明洪武四年知縣徐誠建嘉靖二年知縣王科建堂解堂東幕兩腋爲庫獄在儀門西南二十二年知縣趙師道建櫺房及廡二十楹在儀門內二十七年知縣呂好古悉鼎新之寅賓館在儀門東南萬曆四年知縣何思建三十一年知縣王邦才移旌善門於大門內四十四年知縣沈國華重修清乾隆三十一年知縣舒元煊重修三十三年知縣陳述祖以獄額重修道光十三年知縣楊瑛因縣署坍塌重修庫房在縣署大堂右房三間同治十年知縣呂懋助重修大堂捲棚各五間光緒五年知縣朱運還重修大門樓房三間光緒三十年知縣孫培恩重修辛亥改革二堂五楹三堂三楹均燬於火民國三年知事竇鵬重建二堂五楹

縣丞署

在正堂東即唐崔立之舊治韓愈有藍田丞廳堂記明嘉靖年廢

主簿廳

在正堂西明末廢

典史署

原在縣署西南康熙十四年典史唐之彥移於縣丞署道光十九年典史藍樹基修同治十年知縣呂懋助同典史張裕本重修

把總署

在西門古察院一稱城守營清順治年建「通志」千總署在縣治東

公所

寅賓館

在縣署儀門東南明萬曆四年知縣何思建

演武廳

在縣北門外明嘉靖中知縣土科建清乾隆四十年知縣阮曙五十九年知縣馬學賜同治十一年知縣呂懋助均重修

里衛公所 在城內東街清嘉慶二十三年邑內閣中書侯大魁倡建

常平倉 舊凡二處清道光年統移建西門內

義倉 凡五縣城倉在西門內教諭孫耀祖建普化鎮焦岱鎮孟村鎮洩湖鎮等四處清光緒八年建

社倉 凡八所縣內在里衛公所北鄉又有中柳羅李社前衛社焦岱社十里社油坊社石佛社

養濟院 在南關久廢清雍正三年知縣李元昇建

棲流所 在縣城內各隅凡四所共房三十九間道光二十六年知縣劉達泉建

恤嫠局 附里衛公所內同治十三年知縣呂懋助奉文添設

公館 有二一在縣北四十里新街鎮共房十間一在縣南五十五里藍橋鎮即顏魯公祠共房十九間

郵寄代辨所 光緒二十九年四月設

按舊志 察院在西門內布政使署知府署俱在縣治西按察司在縣治東陰陽學在縣治北醫學在縣治西僧綱司在南門內法華寺道會司在城隍廟今皆廢

關梁

藍田關 「挹地志」在縣東南九十里長安志在縣東南九十八里即秦嶢關也「史記」秦王子嬰遣將拒嶢關「漢書」李奇曰嶢關在上洛北藍田南武關西「晉地志」關當上洛縣西北「水經注」泥水西逕嶢關北歷嶢柳城「魏土地志」嶢

關地名曉柳道通荊州「隋地理志」藍田有關官「唐地理志」藍田關即曉關「寰宇記」後周明帝元年自曉關徙置青泥故城側改曰青泥關武帝建德二年改爲藍田關「長安志」後周武成初徙青泥城側隋煬帝大業元年復徙舊所「雍錄」藍田縣即曉柳城也曉山在前又名曉關亦名藍田關「明地理志」縣東南有藍田關

大昌關 在縣西南四十里石門谷之南「通志」唐景龍中崔湜言南山可引丹水通漕至商州自商州鑄山出石門北抵藍田可通輓道中宗以湜充使開大昌關役徒數萬竟不能通

藍橋 「通志」在縣東南五十里藍谷水上「通鑑注」藍橋在藍田關南「府志」卽尾生期女子不至抱柱而死裴航得玉臼遇雲英處「舊志」橋久廢羽士王天枝募鐵爲鍊飛控如虹行人便之「錢受祺藍橋記略」曰互八丈六尺南岸卽鷄頭山北憑山峽增二鍊上

翼關 干下支巨木

吳公橋 在縣西北二里潯水上係乾隆四年知縣吳師發建

蔡王橋 在縣西北三里滋水上清道光四年知縣邵琨重修

五里橋 在縣西北五里注水上係乾隆十四年知縣李文漢倡修

華山溝橋 有上下二橋均在縣西北十六里華山溝上創建未詳

白龍橋 在縣西北二十里沙河上

故景橋 在縣西二十四里漫道溝上

毓仙橋 在縣西北二十八里白楊溝上清康熙間創建以上三橋光緒十六年撫標左營營官游擊陳端誼均盛工重修

毓聖橋 在毓仙南華胥渚上相傳義母居此

鐵瓦橋

在縣東七里清道光
年渭紳李繼廣捐建

蘇家橋

在縣東十里東岳廟河上爲唐代蘇
尚書均紀念物清嘉慶二十年重修

普化橋

亦名花橋在縣東十五里普
化鎮乾隆二十五年創建

廢橋

會波橋「通志」在縣東門外會諸澗水引入城○千澗橋「通志」在縣南門外藍
田東流諸水皆由此台流入霸○鹿原橋「通志」在縣西門外南寨村通石門湯泉

驛鋪

「資政錄」東南路驛傳藍田縣額設遞馬四匹馬夫
二名歲支工料修理銀一百一十八兩八錢一分

驛鋪有八總鋪名玉山驛在城內縣署西外又有七盤北渠藍橋新店示張故景儲景八鋪

州牧護關

一由總鋪東南行十五里至七盤鋪二十里至北渠鋪二十里至藍橋鋪二十里至新店鋪二十里至商
州牧護關

古驛

「長安志」青泥驛在縣郭下○藍田驛在縣西二十五里○韓公堆驛在
縣南三十五里○藍橋驛在縣東南四十里○蒿平驛在縣南五十五里

營汛

「通志」分防藍田縣把總一員馬兵四名守兵六十五名「舊志」汛塘八處縣東大寨大金山縣南藍橋北渠新店縣西前衛鎮縣北咽匏鎮新街鎮每汛兵二名

附錄

新城 在縣城北門外卞家堡後以城東北隅地勢高防守不易二年陝西督軍陳樹藩着建炮臺未果九年知事李惟人駐軍許朝慶奉令修築斯城周四十丈高三丈城門一內建營房十五間共用銀三千六百三十四兩

公安局 在城內古玉山驛舊爲警察局民國十六年改

財政局 在城內典史署民國十年改

建設局 在古玉山考院內原爲勸業所民國十八年立

教育局 在城內白雲寺內原爲勸學所民國十四年立

郵政局 在縣南門外山西會館原爲郵寄代辦所民國十年奉令改爲三等郵局又洩湖鎮代辦所民國十四年設立又新街普化許家廟墩子鎮均有代辦所係民國二十四年設立焦岱代辦所係民國二十五年設立

電報局 原在西街火神廟民國十七年設立後附設郵政局內

電話局 有長途電話局民國二十一年設立環境電話民國二十四年設立

公共體育場 係民國十九年知事沈秉金就玉山考院故址建

救濟院 在儀門東

賑務會 在儀門東

商會 在縣署前辛亥改革後設立

兩河橋 一稱雙善橋在縣南六十五里輞源合河留處係僧人南真宗與其舅沈學德募修創始於宣統三年閱十年長安善士張克一輸捐告成

高橋 在縣南百三十里寬溝口金井河上係民國二十二年募修

湯峪橋 在縣西南四十里湯峪街西溝上創建未詳民國二十二年水冲毀縣賑務會重修

朱子橋 在縣西三十二里紅河上古名二龍橋後圯民國二十一年慈善家朱將軍慶瀾字子橋捐建改今名並重修毓仙橋均有碑記

十里橋 在縣西北十里河上係民國十年鎮嵩軍營長王鶴齡捐建

灞橋 在縣東三十五里玉山村南係鋼筋混凝土半穿式橋計五孔每孔十公尺係民國二十四年陝西建設廳創建

流峪橋 在縣東六十里流峪河上有二橋均係石礎成係民國二十四年陝西建設廳創建

按西荊公路所過小水又有木便橋十六座河床橋一座以其工程較小故未載

續修藍田縣志卷八

物產

馬志物產一門備極詳悉凡載籍及名人題詠關於邑境靡不採入用心亦良苦矣其見聞之廣蒐輯之富豈淺劣所敢望其萬一哉惜所記多普通之物且詩文所引不可為典要甚至以一言之引用而載及膠木不尤附會之甚乎呂志削之當矣然矯枉未免過直閱者惜之夫物產之所以入志者蓋以天地自然之利有益於民生日用足以為利用厚生之資也在為民上者因勢而利導之耳是愚可以不志茲就見聞所及撮要書之空疎罅漏之譏不敢辭也

穀類

民以食為天故植物先穀類黍

今名稷今穀

稻粱

今粟之大穗長毛者穀之類

大小麥青稞豌豆黑白赤綠各

色豆大小豆均有之與鄰境無異山內以玉米為養

俗以玉蜀黍為玉米亦呼包穀

故以此為恒產荒年山內多收遠邇賴

之稻則各川邊水處皆種之自給而已無難者麥惟山外平地種以供食豐年僅能自給無大宗出境

者綜計闔境終年食麥之家百無一二率以雜糧及各色豆作餅為饗殮之常食惟富家肥壤靠地

先年回棧地耕熟種麥謂之靠棧歌一料也

乃有之貧民田土無多夏秋皆種無靠地故鮮有麥間有收則出糶以濟目前之急

而已故收成分數以雜糧爲定麥雖豐收仍屬半料官府每見麥成卽以全收上報不知爲半收也農民麥足接秋秋足接麥卽係中人家能支一年者則爲上戶矣再此間人稠地狹多以販糧爲生凶年則推輓之車絡繹道路充牣城郭望而知爲藍民故往往謂藍境無災不知皆販之四方也

至若害人之種則罌粟爲大本花類以其結實似罌子似栗酥子由謂其米可作粥故有粟名至取汁爲膏本草謂之阿芙蓉初則以爲樂餌繼而挑燈吸食則創於印度道光中始流毒中國土人遂畝種而取利焉以其別於洋藥故稱土藥久則省藥字而直呼爲土矣攷俞樾叢書據佛經所載則吸食之具自唐已然而病國病民竟成不治之痼疾故憂世者必以禁絕根株爲第一義謂若不禁絕數年之後我國且無人矣今細察貧弱之故什九坐此上地種煙薄地乃種五穀多一畝煙便少一畝穀西府覆轍可爲炯鑒五縣自去年羅縣長錦急於見功而三萬之款頓加之二十萬以上賴王文伯縣長爲民力爭始減至十四萬鄉民一畝煙欸有派至百圓者民力不支時方有嚴禁之令是以公衆決議不願種煙要求今縣長王紹沂面請上臺實行禁絕履畝搜查一苗不留從此多年永害一旦廓清口碑之傳從此遠矣

蔬菜類

冬春之交以蘿蔔爲大宗古曰萊菔子入藥用云能解麥毒故曰萊菔實則晉傳一曰蘆菔有紅白二種紅者渾圓自新街以東種之則圓者變稱錘之形紅者變爲紫色地氣使然也白者洩湖以南至治城左右土性最宜味甚甘美紅蘿菔別是一種本草一名胡蘿蔔入山則名黃蘿蔔以此間係紅黃色山內則變黃故也至葱韭蒜芹芫荽蒿苣菠菱芸薑土名菜子芥白菜即菘等皆有之惟芸薑種者甚廣以根葉皆可食荒年貧民賴以充飢子榨油甚佳故多種之然不及渭北之多也惟土人呼其根曰蔓菁葉亦曰蔓菁菜則名似而實非也蔓菁別是一種河南多有之芥末葉亦可食根不如芸薑之美入春則不可食子可研末爲調和故名芥末子亦榨油與芸薑同蓮花白山內有之形如圓毬層層包裹種之山外則散生而不爲蓮花形矣然省城人種之則如故抑又何也薯蕷土名山藥避唐代宗諱而改也山中多有採樵者掘得之則鬻於市無畦種者甘薯土名紅苕讀如韶蓋薯之轉音亦山藥之合聲而轉也平地種者甚廣緣結實甚多可以代食故爾馬鈴薯土名羊芋此有二種先年結實土中纍纍圓而小味甘土人倚以供食與玉米同爲日用之常品十餘年前則絕無存者別以一種代之漢中人所稱猪羊芋者是也以皮味微麻向以飼豕者後不得已而取以供食土名洋羊芋

按芋別是一物相沿以蘋爲芋且利其簡便易書遂以芋代蘋且不知芋爲別物矣

番椒

土名
辣子

本草等書不載省志有之有菜辣綫辣二種綫辣性最烈究不如咸陽以西之產餘如落花

生刀豆百合各種人莧蓮藕亦間有之

苜蓿種出西域農家多種以爲芻秣之用春初嫩苗可爲蔬菜飢年貧民藉以充腹尤可貴也

野蔬則葵卽詩之萊灰藿之紅者音轉爲萊生荒院中大者可爲柱杖近村落處乃有之蓬

俗名鐵
掃帚

葉

如杉木處處有之落帚爾雅謂之箭子入藥名地膚子土名掃帚菜秋後可以爲帚故名微一名野豌豆紫花二三月間處處有之以上諸物皆可蒸食充飢荒年貧人賴之然旱則不能生故人見此等物生則災象已同人有生全則望矣諸蒿種類不一不能具述然方其嫩時則皆可供食說文云菜草之可食者也蕨南山多有蓋近商山四皓所采之芝卽此是也俗名商山芝爾雅所云蕨鼈一名拳菜以初生拳屈如鼈故也當詩我行其野言采其當是也土名打盤花本草一名鼓子花田中到處有之最難除去故說者以爲惡菜土有母猪蔓之名根可蒸食蔓亦可蒸故無菜時貧民采以充飢焉

瓜類

瓜類甚多與鄰境不異惟甜瓜一種爲果瓜之首種者最多土名黎瓜以皮色黎然而名詩所云七月食瓜卽指此物西瓜則至五代時始入中國前人多以西瓜爲詩人爲詠誤矣皮色不一山東人所種

白色者尤美此間亦傳其種然遷地弗良則皮厚而味薄矣黃瓜據本草與稍瓜各爲一物今土人所謂黃瓜則省中所謂稍瓜者也土人於二三月間貨其苗於漣水流域歸而畦種東鄉所在皆然西瓜山外平地多有之此外則笋瓜南瓜一名倭瓜以其來自東洋故名冬瓜皆足以佐食

壺盧卽瓠子詩云八月斷壺形體不一不盡作凹頸形與冬瓜皆無味貧家苦無件之者則味淡不中

食種者鮮矣茄子亦山外平地處處有之

瓜分果瓜菜瓜二種凡可生食者果瓜也必火熟者謂之菜瓜菜瓜與穀功用畧半一則生而助人消化可以進食一則熟而補益可以助五穀之養古人以菜不熟爲饑其以此歟

果類

果類則杏桃山外較多李則偶一有之至於林擒卽來禽之音轉其種不一土人概以沙果統之梨則皮厚多渣近有人自邠地取葉眼之初萌者歸而接之則輒變甘美亦異事也棗亦不多楹梓木瓜山茶葡萄石榴春晚之櫻桃皆時有而均不如柿種類甚多之在嶺上與栗子小者名榛字本作業鄉間誤以枳當之不知非也核桃之在東南山中居大多數也銀杏惟輞川摩詰祠一株甚大孔廟所謂杏壇卽此非紅杏也然視此則遜

其輪囷遠矣

花類

花類亦無特產多移之省垣及他處僅以供玩賞飾園林而已故概從省惟足以佐食用入藥品者則
增見各類如玉蘭藤花之可以蒸食則於菜類統之牡丹芍藥甘菊等可以入藥則以藥類概之而不
見其名亦栽桑栽竹勝栽花之意也覽者可以知所重矣

木類

南山中以松爲最夥楊柳榆槐椿楸桑櫟次之餘如桐楮椴漆亦所在多有而稱白榆尤爲本邑特產
可以備宮室棺槨器用爲養生送死日用之不可缺者與鄰境亦不異惟木植一項東南山各谷口通
運道者木料猴柴輻輳於此求市者多取給焉則山國自然之美利也惜乎在縣境者方里無幾耳

藥類

藥以山內人侵爲出品謂之野黨亦名商黨夫人侵之出上黨者曰黨棧猶之出潞安者爲潞棧也今
不曰野侵而曰野黨何不名以野嶺乎習俗傳訛多類此又猪苓亦爲南山特產係菌類植物無苗自
土內掘出塊狀黑如豬矢餘如蒼朮柴胡黃芩爲本縣南山北嶺出產甚富至於羌活地骨皮二花芫
蔚半夏白頭翁大黃黃芪葛根地榆遠志括蕓棗仁南沙參之屬不勝枚舉以恆產畧之

按木鼈子出輞川天井一帶產量頗多運於省東關銷售胡志謂爲特產不謬也

染料

藍清末時東區盛產之每年製靛爲出產大宗自洋靛輸入土靛不能抵制遂無種藍者

櫟產南山實之殼斗如碗可爲染青料

五倍子產於南山亦爲染青料

動物類

穀蔬瓜果草木皆養人而物亦待養焉草棲林居育於藪澤巖穴間者無異種卽恆產中亦無最多可紀者偶有所聞知亦不敢炫異矜奇侈談孳生之美富恐按籍者以爲實然日挾增繳火器相從於佳山水之間而式獵岡羅之傷造物之和以恣口腹之欲重爲地方之累秉筆者不願爲之作俑也故且從闕如

礦物類

邠人之職載在周官寶藏所興惡可不紀况縣以玉山名則經史載籍所傳造物之精英必無鬱而不發之理今詢訪所得則輞谷之內見底河有金沙昔年有浪金者以木牀淘洗而得之然所得無幾後

遂絕無問津者老虎溝有金豆坡沙石皆作赤色採取甚少冷水溝有銅礦聞亦不甚暢旺縣東有玉山古稱產玉之處今其礦苗罕覯惟關川內棗峪川出產各色石質堅而細土人及西安石匠多採之製爲小器及裝飾品俗稱棗玉舊志謂藍石之次玉者其謂是歟至美玉所在遍訪鄉老無知之者殆土俗真粟寶善雖球琳琅玕珍奇至寶等間視之故累代相傳未嘗注意固由見聞之陋然渾璞之風則可嘉而不可鑿也

無名異俗名土子卽化學之猛熬桐油者必須之東鄉姜劉溝所產甚多爲本邑特產先年展覽會爲關專欄其見重可知石鍾乳玉英水晶等雖偶一見之亦不成出品故從畧

煤礦在縣西南三十里先年曾有人掘因虧本中止近年寺溝煤苗復現有裕泰公司已開掘產量過少中止惟石墨居人採之者多矣此雖微物無關緊要然有提倡之人則天然之染料可以普及全國何至使一切侈靡之物輸入我國并各種原料一一仰給外人此語他日必有實踐之者大布之衣大帛之冠楚邱雖小猶可以爲善國也

按西人礦學可謂發明無餘蘊矣然天地多年融結生育而不足開採者日日取用消耗而不禁恐造物之力將不至乏絕不止年來山崩地陷川竭旱乾災異疊出雖不盡由此亦非絕無關係也况